

QVÆSTIO MEDICA.

CARDINALITIIS DISPUTATIONIBVS MANE DISCVTIENDA. IN SCHOLIS MEDICORVM. DIE IOVIS IX.

MARTII. M. GASPARE BRAIER MEDICO REGIO MODERATORE PRVDENTISSIMO.

641.

Febres lipyria Cholera superueniente exoluantur?




EX morbis quibus humanum genus conficitur nullus frequentius infestat quam febris, quæ calor est igneus à corde per arterias in corpus vniuersum diffusus, eius varia sunt ut caloris & subiecti differentie: simplex, est calor naturalis in ignem conuersus ab eoque intensione solâ distinctus. A causis eidentibus excitatur, feruidiore scilicet aëris constitutione, efculentis aut poculentis calidioribus, inedia, vigiliis, calidi effluxus inhibitione, exercitatione immoderata, moerore, animi excandescencia, quietiam subitus metus ut epilepsia sic febris causa esse potest. Pestilens est cuius calor ex malignâ putredine emersit, quæ non ab infausta siderum coniunctione vel aspectu, sed aut ab aëris aut cibi potusque corruptione suscitatur: hæc lue infecti accessio initio magna propensione feruntur in somnum tunc pessimum, hic etiam frequenter in emundatoriis partium principum sunt bibones quos febrem inuadentem præcedere vel comitari quàm subsequi melius est. Putrida febris calor fit ex putri materia, quæ in maioribus venis conclusa continuâ, in præcordiis aut iuxta hæc collecta intermittenter parit: hæc incipit à frigore, horrore vel rigore, quorum omnium ut & periodorū eadem est manifesta causa, nempe humoris quantitas, qualitas & motionis impetus: illa plerumque, nullo ex his prægresso hominem adoriuntur.



INTERRMITTENS febris à circuitu, quotidiana, tertiana, quartana, quintana, septimana, nonana: ab humore, pituitosa, biliosa, melancholica nuncupatur. Quotidiana exquirit diurna existit, spuria breuior, ambæ sunt periculosæ, epiala periculosior, illis interdum venæ sectio prodest huic semper nocet, iuuant cathartica similitudine substantia pituitam educunt. Quartana omnium febrium securissima, facillima, longissima & curata difficillima existit, hinc natum quod vulgò fertur adagium: cæcos ad arthritidem & quartanam esse medicos, cuius leuitas inde patet quod horum affectuum nota sit essentia, notæ causæ, notæ remedia. In hoc affectu phlebotomia dum ex visu est ante purgationem celebranda venit, itaque pridie accessiois è basilicâ sanguis detrahatur nō ex saluarella, quam in melancholicis affectibus secare superstitiosum est: theriaca vetus horis duabus ante paroxysmum ut liter potest exhiberi, sed non ante manifestæ coctionis indicia.



TERTIANA intermittens pura vacat periculo septemque ad summum periodis iudicatur, neglecta tamē grauis & insanabilis euadit, ex simplici fit duplex, atque ex intermittente continua, sanguis post primam accessioem educendus, cholagoga dein exhibenda, naturæque proba victus ratione prospiciendum. *Intermittens* grauis & perniciosa febris longos & difficiles habet paroxysmos, cataphoram vigilalque infert, & lipothymiam excitat, interdum in tertianam simplicem vel duplicem commutatur, aut etiam in quotidianam, quæ mutatio spem salutis pollicetur. Lutetia rarò, Romæ frequentius accidit. Continua febris est quæ motu continuo ægrum exercet: Synochus periodicè non remittit, sed vna quasi accessio est, quæ pro triplici modo quo sanguis in vasis maioribus inflammationem vel putredinem concipit, *Intermittens*, *Continua*, *Epiphora*, celebranda perficitur, epiphora tamen tutior existit, non est negligendum aquæ dulcis balneum. Putrida peior impetui præter venæ sectionem & gelidæ potum, exacto die septimo purgationem ex cholagogis blandioribus admittit, nisi prius sudore vel hæmorrhagiâ perfectè sit iudicata.



KUROS intermittenti tertianæ analogus tertio quoque die nouam reduplicationem habet, febris est ardentissima cum calore vehementissimo & siti inexplibili coniuncta: fit autem vel ex sola bile flaua putrescente, & syncerus est: vel ex falsa pituita sola, aut bili permixta, & nothus seu hybernus appellatur. Syncerus duplex, alius essentialis ac vehemens qui pender ab ardore bilis citra vllum visceris affectum putrescentis, alter symptomatikus ac vehementissimus qui frequentius iecoris aut ventriculi erysipelas cōsequitur: ille febris ardens simpliciter, hic lipyria dici consuevit: illius signa pathognomonica sunt calor deurens & sitis inexhausta: huius, internarum partium summus ardor, extremorum ingens frigus, sudor frigidus, vomitus biliosus, aluus suppressa, hypochondriorum tensio: vterque periculi plenus est ac lethalis, soluiturque violento naturæ impetu materiam morificam foras expellens, omnis enim morbus ablata causa coniuncta tollitur: ille autem naturæ motus pro ratione humoris aut partis affectu alius atque alius est, materia tenuis fere sudoribus, crassa deiectionibus vacuat: venæ maiores & partes iecoris conuexæ, sudore, hæmorrhagiâ, & perirrhæâ, pars concaua atque ventriculus erysipellate obfessus, cholera, id est bilis eruptione sursum deorsumque facta sese exonerant.



SED an semper expectandus naturæ motus, totumque negotium illi committendum? minimè, quia plerumque grauissima premunt ex plenitudine aut æstu intolerabili symptomata, quæ plane deijciunt vires, ægrumque in incremento vel statu perimunt. Quid igitur agendum? enemata refrigerantia & humectantia crebrò iniicienda, sanguis pro viribus ægri detrahendus, diæta tenuis instituenda quæ refrigeret & humectet, pituita sitis lenienda, catharsis blanda & cholagoga exhibenda, cardiaca non omittenda quæ aciditate putredinem arceant, amouenda quæ occulta proprietate vim cordis roborare falsò à multis creduntur, denique febrile incendium refrigerantibus & humectantibus sumptis & admotis extinguendum. Purgatio quantumuis blanda lipyriæ nocet, vicem eius gerent clysteres cholagogi pro re nata iterandi, calor vrens interiora extremorum frictionibus, phlebotomiâ & cucurbitulis reuellendus, emetica si nauseet æger propinanda. Quod si lipyria his non cedat remediis nulla spes vitæ superest nisi natura liberali bilis *Intermittens* & *Continua* vacuatione ignis causam foras expellat, partemque obfessam vitæ necessariam ab inflammatione vindicet.

Ergo febres lipyria cholera superueniente exoluantur.



Propugnabat Lutetia IOANNES FAYOLLE Maricensis Sch. Arch. Anno R. S. M. DC. XXIII.